

# Mòpòpò a Komba

## Le Saint-Esprit



Nouveau Testament

17

# Mòpòpò a Komba

Le Saint-Esprit

CABTAL

B.P. 16550

Yaoundé

République du Cameroun

E-mail : [info@cabtal.org](mailto:info@cabtal.org)

2011

Langue : baka, parlée dans la Région de l'Est de la République du  
Cameroun  
Code langue ISO 639-3 : bkc

Titre en français : Le Saint-Esprit  
Actes 1.3-5, 8-9 ; 2.1-4, 7-8, 12, 42-47 ; 3

Cette histoire biblique, conçue pour les lecteurs bakas, a été  
développée par une équipe de traduction à Ndjibot.

Illustrations bibliques de Jim Padgett, courtoisie de Sweet  
Publishing, Ft. Worth (Texas) et de Gospel Light, Ventura  
(Californie) © 1984. *Tous droits réservés.*


© CABTAL, 2011


Likànò a wà kuno a Yesùào a mbi kè Komba é kìndào pò te Mòpòpò a ngé è.

Yesùà, a ke na jukó è a kò, wó te wà kuno a ngéó wá makà. Yesùà á gò kina te na manà pò we a Komba.

É tó pe : « I ndé a léjì nè a Yèlúsalèmi kótò te tie kè i à makà te Mòpòpò a Komba è. Àwa Jean ngé, é dùò i mónkindii à ngo, ngaà, ma à ye na dù i mónkindii a Mòpòpò a Komba.

Tie kè kòmbe Mòpòpò a Komba é dòto te bite i nè, kò ngé i à e ngànga a lè à pe tóló kè kòpe. »






Yesùà á ngomà te wà kuno a ngéó koà, endè á lèji, á go a ye kótò bite nyì é.




Ekò, nò lækpe, wà kuno a Yesùào wá sangià tó ndánda kpóde. Pe wó sangià tó ndánda kpóde kokò nè, wó jè, wummm ! Ngbe gígili pena gígili na lùngu a lèji a ye.

Pe wó sià kò, njòli na wà a lèji kina a ye. A do na bè a njò ó kòpe. Nò te nà ngé a njò é, nò te nà ngé a njò é, nò te nà ngé a njò é. A maká ó kòpe.




Pe njòlì na wà e gimè bitó kokò nè, ngó wó sí sí te Mòpòpò a Komba. Wá tongòà te na ngomà ngómà boo kòpe. Ngómà, ngómà, ngómà...




Boo kòpe kènòò wó òò ɓo nè wá bolimà. Wó pe : « La à mɛ̀e pe boo kènòò wá nyì ngòmà boo kòpe kokò è ? »

Pe wó sià koà, dàdì boo wá pò te bumá ó nyinga Komba.


Mbì kè Mòpòpò a Komba é gìmèò te bite wà kuno a Yesùò nè, ekò.



Wà lemè Yesùào kòpe wá makà làkpe kòpe, làkpe kòpe, làkpe kòpe... Wá jo jo na lòtì. Wá o te e Komba a ye. Wá gapà èe kè wó te è à paki a ngó kòpe. Wà kuno a Yesùào, nòò wá mèè ngèlèpò. Boo kòpe wá bolimà à na sià ngèlèpò ná.



A làkpe kòpe, Komba bà mè pe wà lemè Yesùào wó búà. Mbi kè wà lemè Yesùà na mbèlio wó òò na mè tè nè, ekò.




Ekò, à ɓo nɔ̀ làkpe, nɔ̀ wà kuno a Yesùào bíde wá go à nda a Komba. Nɔ̀ e lé Pièlì.

Pe wó kɔ̀tò à nda a Komba kokò nè, wá makà te wà pòà. Wà pòà ná á yi te wà kuno a Yesùà bíde náó lè sáka. Mbì kè á mè nè ekò, à na yi te boo sáka à tie kòpe.




Pielì té pe : « Lè bi lè, ngaà ma ndé sáka. Èe kè ma te nè ma à to pe mò. À e Yesùà, ma à ngomà te mò pe, wòsolo, mò nò ! »




Pielì á weè lé à kéré pe é wòsolo. Pe wà pòà é ye na wòsolo kokò nè, biko lé kè wèe mókò nè, a do yíè ngé kéréké. Endè, á nòò.

Ngé á tomà wà kuno a Yesùà bíde náó. Wó tó wá lì à nda a Komba. Á go te na tólimà te na sépèà a mbì kè a mèèle te è, te na o te e Komba a ye.



Boo kòpe kènòò à nda a Komba nè, pe wó sià lé, wó pe : « Te pe wà pòà kè wèe mo a mò nda nè, é kè de kò ? Yíè kè nye a meèe te bo kè è ? »

Boo nà nda a Kombao kòpe wá do à sòò Pièlì wó te wà pòà. Wá meè ngbolo kilikili à na sià mbì kè a wòtòe te wà pòà nè.



Pe Pièlì é sià koà, é te boo pe : « I à bolimà à nye ? Ngaà ma à manà pe i sikindi pe, e ngaà kè ma bòòle wà pòà kè de. Ngaà ma penà ngayi, ma ndé kpéké na mɛ̀ɛ̀ te èe ná.

Bo kè é bòòle wà pòà kè nè, e Komba kè nyùà latínìo kòpe wó bà nyì é nè, te Abàlàme, te Yosèpì, te Mòyisì, te Davitì. Nyùà latínìo kòpe wó bà nyì é.



Endè, Yesùà kè i mòngi lé nè, Komba é jùkòngi lé a kò. É ngé kè wà tɔ pe atíni jókò dótò. Èe kè wà póà kè á boòle te nè àwa á lemè Yesùà.

Ma à nyi pe i mòngi Yesùà ndé a nyi èe kè i bà mɛè nè. Ekò, makàlà kè i dù búmá i kòpe bite Komba ndé é kpi yùwà a ngi.



Komba ngòmào te Abàlàme pe, kòmbe ma mɛ̀ te boo kòpe jókò à lonjò mò. E ngayi makàlà kè i bo náó. Komba bà ye na mɛ̀ te i jókò. Èe ná kè Yesùà é dònghi te à lonjò i nè. A tongòà te ngayi, a ɔɔɔ... kótò te à je tóló, ekò. I à jè kò ? »

Boo pe : « Yìè, nga à jè. » Ngó wá lemè ngòmà ná te na sépèà, ekò.

E sasa e : Sàa

Lìkànò kè bà manà pe atínì mbì kè wà kuno a Yesùò wó màkào te Mòpòpò a Komba è, ekò.